

عليل الوصف

سماكي مش أمل بكره

ولا حتى سنين ذكرى

ولا اللحظة اللي عايشها

ولا مر الهوى فيها

ولا همسك ولا صمتك

بيخلق فيا إحساسك

فاليه دايمما بشوفك حلم

ولسة إيديكي بلمسها

على ورقة مسكتيها

وجايز غمضة بتنور

وأشوف قلبي

وعقلي يقول لي هلاكي

ببتمشي

بتجري تلعبى بنبضه

تقيلة الخطوة جوايا

باقول بكرة هلاقيكي

وافتح عيني ساعتها

ويرجع قلبي من تاني

ويطفى النور

عشان بيخبي سكانه

من الحاسدين

بقيت خايب من الخايين

عليل الوصف للحالة

وفلسفتي

فنون كداب على نفسه

يقول عطشان
وهو يبشرب الماية
يقول الشمس بتعدي
وتيجي الليل مع القمر
يقول إن إنتي مش أمله
وإنتي كيان